




著者及書名
 啓迪集
 曲直瀨道三編
 慶安^ノ年
 番





啓迪集題辭

啓迪

凡醫道之行于閩浮提洲者其
來尚矣原夫軋篤人藥王子坐
鸞臺之上而稱賢劫第四尊之
時世有耆域氏自出馬偶爾獲
藥王樹於樵馬薪中從此照見
衆人五藏六府而下手如有神

靡病而不痊者，在震州國則炎
帝嘗百草，呂辨其性味，於是乎
靈苗毒料分之，町畦黃帝與岐
伯問對內經，病源源委昭然，周
之末廬城秦越人齊國太倉公
接武而興，然後後漢張仲景西
晉王叔和宋陳自明錢仲陽金

寶漢卿元李氏東垣朱氏丹溪
于外感于內傷于雜病于鍼灸
于婦人于小兒于診脈相繼而
輩出矣，本朝亦醫匠之名世者
光于罔史無世無之，就中丹家
嚮三位者，生而得醫髓矣，飛英
聲騰茂實時々造詣于艮岳中

堂醫王善逝而得隔屏牽絲之
脉路奇哉爰有當塗之聞人世
為京華人也諱道二字一溪蚤
歲發憤遊方不遠千里鱗于杖
舐于鞋而直入野州足利而涉
獵五典三墳及丁林曰之書維
時武州有導道練師者中年從

國信使而南遊遍歷闔國諸醫
之門而擇其尤探其曠而歸公
于以師之學習研精覃思而究
其蘊與兩徃風遂于野武二州
之間前後更三十有八之葛裘而
旋洛徐徠醫療有驗活瀕九之
病熟官公不緣藥樹不禱藥

師洞視病人胸宇而自然得於
心應於手公之於醫可謂勤矣
可謂勞可謂成矣公遂提醫家
秘要以撰編者八卷目曰啓迪
集蓋本于旁求俊彦啓迪後人
之語者歟俊彦謂誰決不外求
一溪其人也事達 禁中以歷

叡觀華衮非榮榮莫榮焉予竊
按黃慈谿贈名醫薛太丞序略
云天下之伎術皆為民生蠹惟
醫為有益故世或以儒醫並稱
尊之也雖醫習則儒矣余故喜
為之祝曰爾善醫人君之子且
持爾之心醫國矣豈非千古公

論乎洛誦々温君實者避諱唱
瑠璃皓宜矣配其言於人參其
牘也矣公以醫鳴洛前脩事蹟
可併按矣既稱儒醫則其道移
之官治亦可乎嚮是公一日齋
此集來而需叙卷首以昧
於醫家之書辭而不應堅請再

三而止矣今也忝蒙
勅諭特屈使華於部廬無路踰
墻而遁弗勝感戴曷敢杜卑詞
乎聊舉筮支倭之故事以且寓
私意也予二十年前入大明燕
京之日親周覽近闕寺々院々
則設太醫院於翰林院之東畔

繇茲思茲儒醫並稱之先言章
章可徵矣 大內全盛之昔有
典藥寮有侍醫官者規模大明
則而象者耶公嘗入龍寶僧龍
之室而爲飽參之徒吾祖宗門
下亦以碧巖公案爲頤神妙術
換骨靈方由是惠日雅師述禪

本草湛堂準老製炮灸論以佐
之儒釋醫之意旨雖有馬異盧
同先聖後聖其揆一也姑閣此
事公平素諳書外書得意外意
授諸諸門生弘諸洛之西東及
遐邇州縣則識者必曰不出卷
知天下醫術其啓迪集哉是爲

序

天正萬年之二歲冬舍甲戌
仲冬初吉

大明再渡專使前圓覺
策彦拙叟周良書于址
等持東方丈

啓迪集自序



吾儕稟生緣於洛瀝而學醫
術於利陽勵志於救恤布業
于宇內上始于軒岐內經下
及於百家醫書日夜翫味之
漸究厥旨趣閱朱氏發揮檢
劉氏微義而知醫法有聖俗

察彥脩纂要審天民正傳而
識藥方有精麗矣予久出入
華夷而多療沈痾獲救活者
難以具載竊顧吾

朝未著察證辨治之全書也予
不慮淺知私拾聖賢之隲括
普集諸家之樞機而竭力極

意徐數十年而綴以爲八卷
初自中風傷寒終暨婦人小
兒而辨證必宗素問神規配
劑每祖本草聖矩矣泰定養
生主論曰病者必謀於醫醫
者必謀其術岐黃問荅醫之
法也臨機應變醫之意也以

醫意用聖法非妄意也察色
而辨澤涸切脉而知違順校
經而分升降觀氣而明呼吸
之類頗見于九九之辨引雖
一言半句不能自作皆隨之
舊法耳唯是要啓迪菴下姪
孫仍名謂啓迪集也忝遇

明時以一本備
天覽劍攀升雲梯忽奉拜
龍顏乃蒙使斯書廣頒于天下
將流於永久之
旨仰惟
睿聖當天之慈政大同之仁德
而已

天正第一甲戌冬日南至
翠竹菴 一溪叟 道三識焉

啓迪集序終

啓迪集辨引



道三編

○方法辨例

方者勢法者用也徒知躰而不知用者弊躰用不失可謂上工矣

○小法無定躰應變而施藥不執方合宜而用

○知變

鑑 噫 守常衆人之見知常而不知變細事因而取敗者多矣况醫乎

○嫌執

傳 羗活湯方後曰然亦不可執一執中無權猶執也

陰陽之在人均則寧

偏則病

傳今之醫者不識機變不偏於此則偏於彼

○逆從正權 外科精義曰

病有微大者逆治理之正也

○方土貴賤 本草序曰

醫人之療亦隨方之能若易地而居即致乖舛矣
豈前賢之偏有所好故古方

或

多補養 多導泄 衆味 單行 所以隨方土 所以施貴賤

○病藥辨例

行義曰夫

人有貴賤少長病當別論 病有新久虛實理當別藥

○久用之戒 本草集要曰

世人蓋知用而為福 不知用久為禍

○標本緩急

傳

經曰緩則治其本 急則治其標

○藥服大小

傳

心肺位近宜制小 腎肝位遠宜制大 其服如過與不及皆誅罰無過之地

○藥味多寡

著

仲景處方藥品甚少 東垣用藥多二十餘味 治暴卒外感 緩舒內傷也

○彼我慮辨

著

夫欲服食當尋性理所宜審冷暖之適不可見彼

得方我便服之

○因用凡例 玉補中益氣湯後曰

熱因寒用 寒因熱用 伏其所主先其所因

○常藥隨節轉

○常服之藥不可失四時之轉

○養味和偏

格安於中和之味者心之收火之降 慾之縱火之勝

○棗薑味使

胃者衛之源益衛 脾者榮之本補榮 必以辛為使

○霖濕用例

霖雨太過則湯劑中加生薑開濕通氣

○色形察例

心肺 腎肝 損而色 形

○內外病源

傳曰內病自五臟發 外病自經絡感入

○男女氣辨

大抵男子屬陽氣易散 女子屬陰氣多鬱

○治情要例

喜樂恐驚耗散 正氣散者益之 結者行之 此治七情之要法也

○內外寒熱

陽虛而外寒 陽微則惡寒
陰內熱 陰弱則發熱

○補瀉辨時 林 小兒門

凡五臟各至本位即氣盛不可更補
至所尅位不可更瀉

○弦沈筋骨辨例 傳

痛風脉沈主骨腎
弦主筋肝

○滑瀦濕瘀辨例 傳

肢節腫痛脉滑宜燥濕木星已數
瀦數瘀血桃紅芩歸大黃

○虛煩陰陽辨例 著

食傷勞倦陽虛煩執脉大而無勞補肺脾升氣
勞心嗜慾陰數心腎降氣

○四時瘧劇辨例 蘭室秘藏

勞病脉浮大手足煩熱春夏劇時助邪也
秋冬瘧時勝邪也

○麻木因辨 傳

脉浮而緩濕為麻痺
緊而浮寒為痛痺
瀦而乳死血為木

○頭痛左右 傳

左屬風荆芎 右屬痰木半陳
血虛芎歸芍栝 熱酒芩

○偏枯左右 心

中風半身不遂多痰左屬瘀血死血四物桃紅
右屬痰熱氣虛二陳四君

○左右氣血 小

左脉虛小而驚悸血虛也 臍噎右脉無勞四君
右脉無勞四君 耳聾氣

肥瘦辨例

傳

肥白眩暈清痰降火兼補氣 暮惡阻肥人痰
黑瘦滋陰降火帶抑肝 瘦人熱

瘡嘔初後

傳

瘡瘍毒氣上攻 時嘔陰虛補之

新久辨例

心

初得順氣 中風即法血

宜下宜升

心 痢部

大抵壯實初病宜下 虛弱衰老久病宜升

效嗽新久

著

效嗽新病風寒散之火熱清之濕熱泄之
久病氣虛補氣血虛補血兼痰開胃

經痛前後

傳

月經將來痛血實四物加桂紅蓮香附
行後疼氣血虛八物加減服之

水腫肢腹

心

水腫先起於腹而後散四肢可治
四肢後歸於腹不治

腫脹治例

辨

腫有虛實 治王霸

上下辨例

心 水腫部

腰已上腫宜發汗 下腫宜利小便

氣血上下

玉 癩風部

氣受乏則在下多

九通卷一

十五

○酒鹽上下

辨

上焦氣熱酒炒 下鹽炒 芩連 柏

○脚氣兩便

心

大便實加 桃仁 小便澀加 牛膝

○通血止痛

液

瞿麥主 諸癢下 開血 車前主 氣癢止 痛

○治渴潤堅

鑑

雜證有汗而渴以辛潤之 無汗而渴以苦堅之

○未發已發

傳

凡喘急未發時扶正氣為主 已發則攻邪為主

○畜血上下

喜忘 畜血在上 下

○上下齟齬

傳

足陽明 絡上 齟齟 齬齬 坤土不 動惡 熱喜 寒喜 手陽明 絡下 齟齟 齬齬 物而動惡 寒喜 熱喜

○火證虛實

心

實火 瀉陽 虛補 陰

○氣血辨補

著

勞倦 辛苦 主補 氣 心思 慮主 補血

○澤衰勞因

心

腎心 主血 精竭 血燥 則勞 生焉

九通卷一

十五

○內傷脾胃

脾胃論

飲食損胃 勞倦傷脾 脾胃虛則火邪乘之而生大熱

○土靜木動

因症證部

強直而靜濕也蓋土靜無汗流濕 木動有汗法風

○汗下多損

因

汗下多則亡陽損其氣衛耗 陰損其形榮衰

○虛汗陰陽

因

發熱 發厥自汗陰虛 陽虛

○面上寒熱

因惡寒部

面熱手陽明經氣有餘 不足

○收陽加味

說

陽氣耗散之人加烏梅微覺酸味以收其陽氣

○中風氣中辨例

因

中風身溫多痰涎 氣中身冷無痰涎其脉浮 沈

○晝夜動靜治例

因

愈風湯空心一服吞下二丹丸動以安神 臨卧一服吞下四白丹靜以清肺

○灸證辨例

因

風中經口眼喎斜聽會頰車地倉 腕手足不遂百會肩髃曲池風市三里絕骨 藏性命危百會風池太椎肩井間使曲池三里

○傷寒即鬱專傳

傳

夫即病者多為專經 愈病者多為傳經

○中寒温腎温血

傳

温腎、禦寒、薑附
温血、散寒、桂歸

○中暑中熱動靜二受

傳

大抵

靜而得之名中暑熱而無汗陰
動而得之名中熱熱渴汗出陽證也

○温逐温補別例

困 衄部

血因寒入凝則為痲
氣因寒入凝則為痲

○二便順辨

涇

以在下言之則便溺俱陰以前後言之則前氣小便順氣
後血大便順血

○病證色辨

著

白痢久胃弱
氣虛減芩連芍加木耆苓橘縮
血虛減芩連加歸地膠橘木

○有汗無汗辨例

并氣血
傳 瘧部

若

無汗要為汗散邪為主帶補
有汗要無汗正氣為主帶散

在氣則發早
血則發晏

○三陰瘧日

困

丹溪曰發
子午卯酉少
寅申巳亥厥
辰戌丑未太陰瘧也

○煩躁所入

涇

火入肺則煩
腎則躁

○行血調氣治痢辨例

困

行血調氣
行血則便即安
調氣則後重除

○且晡陰陽早汗晚下

諸症皆由

肝

平且日晡潮熱在行陽之分瀉氣中之火
知難 汗不厭早午前陽午後陰
下 晚已後陰已前陽

○目視遠近 傳

能遠視 不能遠視 火盛水竭 能近視 不能近視 有水無火

○遠近血源 傳

近血自大腸來四物加枳實槐花
遠小腸來四物加木通黃炒黃連

○晝夜寬急 傳 脹滿部

朝寬暮急 氣虛 朝暮皆急氣血俱虛

○頭痛內外 玉

大抵四滯皆外邪隨其多少治於外
氣血痰火皆內邪隨氣血虛實痰火微甚治於內也

○腹痛部分 玉

腹痛 膈位 有部分 治之者宜分之

○淋熱氣血 傳

如渴而小便不利熱在上焦氣分肺金 主之
不渴小便不利熱在下焦血分腎膀胱

○老少昏明 玉 眼部

然小兒水在上火在下故目明
老人火在上水不足故目昏

○眼疾補瀉 選

當辨其肝之有餘不足治之肝有餘則瀉心火 經曰實則瀉其子
不足則補腎水 虛則補其母

○表裏別次 傳

痘疹雖與傷寒相似治法實異傷寒從表入裏 外感
瘡疹從裏出表 內傷

各典卷二

二

○痘疹表裏虛實

傳 灰白色陷頂多汗
紅活凸綻無汗
表
虛 吐瀉不
實 不吐瀉
能食
平裏虛

○疳因來戒 傳 小兒疳部

經曰 數食肥令大內熱
數食令大中滿 蓋其病因肥其所致故命名曰疳

啓迪集辨引終

察證辨治啓迪集卷之一目錄

道三編

○中風門

- 一有^{真風}類風之說 一三賢風因 一真風之證
- 一類似之證 一四風淺深 一真風合而為一之說
- 一脈辨 一預知 一中風之辨
- 一治風法序 一急緩兩治凡例 一以汗吐下治卒中
- 一卒風治法 一汗下適中 一肥瘦辨治
- 一半身不遂左右因治 一風中左口嚙右
- 一微^甚燥筋^葉因證 一癱瘓虛實辨治
- 一風痿別因 一四時慎風 一五臟風證 附胃風

一晝夜動靜治例一理氣之證治

一治風無定法不拘南北

一臟絕非諸不治

一治風辨穴一辨治類

一六經見証續命加減并針灸

一去痰行氣二陳加減

一治風方法次序準繩

○傷寒門

一傷寒由來一時行疫疾

一傷寒感冒之明辨

一六經脈證用藥凡例

一過經危例

一六經病證衰退見効

一即病專傳經

一傳經次第不一之說

一傳經首尾無定規說

一兩感之證理

一兩感治法救功解感

一表證治法

一裏證治法一表裏俱見證治法一半表半裡之謂

一雙解之辨異一表裡寒熱宜從治證

一表裡虛實之辨一急宜救表裡之証一無表裡証之辨證

一表水裏水之辨治一陽毒證治
一陰毒證治

一陰証似陽一合病論治
陽証似陰
一併病論治

一溫家五證一濕家三證
一剛柔二症

一惡寒證治一發熱證治
一身熱反欲衣

一潮熱證治一自汗肢汗盜汗證治

一頭痛辨證治法	一項強證治	一頭眩證治
一腎滿證治	一心下滿證治	一結胃證治
一痞証治法	一效逆證治	一腹脹滿證治
一小腹滿證治	一煩躁証治	一懊懣證治
一鬱冒證治	一效嗽證治	一喘急證治
一嘔吐證治	一渴證治法	一衄血證治
一譫語證治	一發狂證治	一發黃證法
一癡證治法	一自利証治	一舌胎證治
一藏結因證	一便膿血分治	一悸動論治
一振證因治	一搖頭證因	一四逆厥冷證治

一動氣證治	一大便不利辨治	一小便不利
一小便自利	一尿數證治	一身痛辨治
一脇痛辨治	一腹痛辨治	一咽痛証治
一蚘厥論治	一狐惑證治	一口燥 <small>咽乾</small> 因治
一多眠因治	一不眠因治	一漱水不欲嚥論治
一晝夜偏劇論治	一循衣摸床辨治	一直視證因
一遺尿論治	一壞證論	一戰汗論治
一短氣證治	一瘕瘕論治	一筋惕肉瞤證治
一汗後不解證治	一下後不解證治	一脉伏因治
一誤 <small>汗</small> 之變證	一 <small>陰易</small> 之論治	一勞後因治

- 一 餘證論治
- 一 不治脉證
- 一 雜證屬因
- 一 傷寒別名
- 一 傷寒禁忌

啓迪集卷之一目錄畢

察證辨治啓迪集卷之一

（醫書）

日本洛下 雖知苦齋 道三編

中風門

○有^{真風}類風之說

（惠）

經曰風者百病之長也以其善行而數變至其變化乃為他病然有^{真中風邪}類于中風者不可槩治誤入非淺

正傳曰因風者真中風也從昔人而治之因^{濕氣}者類中風而非中風從三賢而治之

○三賢風因 傳

河間云將息失宜心火暴甚腎水虛衰不能制之則

陰虛陽實而熱氣怫鬱心神昏冒筋骨不用而卒
倒無所知也夫五志過極皆為熱甚俗云風者言
未而忘其本也

東垣云中風者非外來風邪乃本氣自病也凡久年
踰四旬氣衰之際或因憂思忿怒傷其氣者多有
此證壯歲之時無有也若肥盛者間而有之亦是
形盛氣衰故如此耳

丹溪曰有



西北三方真為風所中者有之

東南之人皆是濕土生痰痰生熱熱生風也

○真風之證

中脈中腑
中臟之說

慮

真中風邪者丹溪云東垣中血脉中腑中臟之說甚
好

府中面加五色有表證脈浮惡風寒拘急不仁中腑也
多著四肢或中身之後前皆曰中腑易治加減小續
命發表調以通聖辛涼之劑

中唇緩失音鼻塞眼瞽耳聾便秘中臟也多滯九竅
難治三化湯通其滯調以十全四物之劑

中或外無六經之見證肢不能舉口不能言中經也
內無便溺之阻滯


當從中治大秦芎湯補血以養筋

兩如臟腑兩中者藥必兼用先表之後通之

然其方皆的係風邪卒中有外感而無內傷者斯可用矣否則不可輕用

三證二治大抵中經口眼喎斜大藥養血通氣腑多四肢廢宜汗

○類似之證類



中許學士云有氣中憂思不已氣逆往々得此疾便

涎潮昏塞牙關緊急似中風但灌蘓香圓醒而後隨塞熱虛實而調之用風藥則殺人

酒濕元戎云酒濕之病亦能口眼喎斜半身不遂舌強不正渾似中風當瀉濕毒不可風治

六徵義曰口眼喎斜半身不遂之病豈止風之一端而已况六氣皆能中人有縱急搐搦不知人等證不可不以脉證分別也

○四風淺深選

一曰偏枯半身不遂口眼喎斜肌肉枯瘦血氣偏虛

且痛智不變言不亂病在分腠之間

二曰風痲身躄無痛四肢不收智亂不甚言微有知可治甚不能言不治

三曰風懿忽然迷仆不知人事痰迷牙緊病在臟腑

四曰風痺謂風寒濕三氣合而為痺



○真風類風合而為一之說并驅逐調養之前後

夫中風之證蓋因先傷於內而後感於外之候也但有標本輕重之不同耳

假令百病皆有因有證因則為本證則為標

古人論中風者言其因知乎此則中風之候可得而

詳論矣

真中風邪者未必不由氣躄虛弱榮衛失調然後感

於外邪也經曰邪之所湊其氣必虛是也

因者亦未必絕無外邪侵侮而作也若無外邪侵

侮則因各自為他證豈有啗僻癱瘓暴仆暴疇

之候乎

豈可以一中風之證為二途哉

治法外感重先驅外邪而後補中氣內傷重先補中氣而後驅外邪

或以散風藥為君以補益藥為臣使
滋補劑為君以散邪藥為佐使

故經曰有
取本而得
本而標之
標而本之
者

又曰
急則治其標
緩則治其本

夫風火氣濕之殊望聞問切之間豈無所辨乎辨
之為風邪則從音人
火氣濕則從三賢以治之如此則折理明而
法用當矣

微義曰夫人元氣強壯榮衛和平滕理緻密外邪焉
能為害

○脉辨

寸口沈大而滑
沈則為實
滑則為氣
氣實相搏於
臟則死
腑則愈

不知入唇青身冷
身溫和汗自出
為
入臟死
入腑自愈

大法中風脉
浮遲者吉
急疾者凶

寸口脉
浮而遲者死
緩而遲者死
者皆曰中風

浮而大者風
浮而緩皮膚不仁風寒入肌肉
被風不仁痿蹶其脉
虛者生
緊急疾者死

○預知

惠

凡人^{覺大}指及次指麻木不仁者^{手足不用之}三年內必有風病至

先服祛風滌熱之劑辛涼之藥治內外之邪蓋手太拇指次指太陰陽明也風多著此經也

○中風之辨

玉

中風身温多痰涎其脉浮氣身冷無痰涎其脉沈

經曰無故而瘖脉不至不治自已謂氣暴厥也氣復則已

蓋敬用藥之失實勝誤于庸醫之手也

○治風法序

傳

大率主血虛有痰或挾火與濕治法^{以痰為先補養次之}

傳

初得之即當順氣^{急則治標去痰}此萬古不易之理也^{肥有痰挾濕瘦血虛挾火}

傳

及日久則當活血^{緩則治本潤枯}

傳

在^{表則辛以散之裏則苦以泄之}

惠

不順氣化痰遽用烏附^{吾未見能治者也}

不活血徒用風着天麻風中膺膝輒用腦麝則引風入髓為難治不能無出也

正傳大秦朮湯後曰天陰再加生姜
心下痞滿加枳實

○急緩兩治凡例傳

急夫初病暴仆昏悶不省人事

或痰涎壅盛舌強不語兩寸脉浮大而實急用吐


法法

或六入迎脉緊急者急小續命表之

盖風邪大盛心火暴升而痰涎壅遏於經絡之中
於此時豈尋常藥餌而能通達於上下哉故本方
用附子以其稟雄壯之資而有斬關奪將之勢能
引入參輩並行十二經以追復其散失之元陽又

能引麻風杏輩以發表開腠理驅散其在表之風
寒引歸芍菊輩入血分行血養血以滋養其虧損
之真陰或加石膏知母以降胃火或加黃芩以清
肺金者所挾見證與夫時月寒温加減施治病勢
稍退精神稍復輒當改用丹溪之法而以補氣補
血清痰之劑以調養其本氣而安此急則治其標
標而本之
之治也

緩凡人或



四物湯 斤 熟地 各
 芍 芩 各 加
 色柴洛加味四物湯
 味四物湯 治血
 虛眩暈卒倒不可
 艾灸驚哭叫動動
 則乘虛而死

雖未致於倒仆其為中風暈厥之候可指日而定
 矣早當從丹溪之法而調治

其左脈不足及左半身不遂以四物補血之劑為主治
 右脈不足及右半身不遂以四君補氣之劑為主治

痰盛上陳等湯兼用

氣血兩虛而挾痰八物加夏星實竹瀝薑汁之類

若夫真元漸復痰飲漸消或覺風邪未退者仍以

卷治愈風湯之類出入加減調治而安

此緩則治其本之治也

察病機審氣宜全在活法以度其輕重之權量毋

膠柱以調瑟

○以汗吐下治卒中

掉搖眩暈口啞筋急手搐瘈瘲皆厥陰肝木之用也

○經曰風淫所勝平以辛涼○世何以熱藥治風邪

予治驚風癰病屢用汗吐下三法隨治而愈

吐下令其條達也經曰木鬱達之

汗下之者風隨汗出也發明曰通因通用

下下推陳致新也

按此法的係邪氣卒中痰涎壅盛實熱者可用否
 則不可敢輕用也

痰壅盛，口眼喎斜者，皆用吐法瓜蒂散稀涎散甚重者不能言灌入鼻內，虛甚者不可吐。

五 年老與虛弱之中風，氣虛卒倒，不可吐。

○卒風治法

玉 急中卒風氣絕，不語至寶丹主之，連進生薑汁。

選 初中風卒倒，牙關緊急，不省人事，藜香圓灌之，俟其甦，便不用，然後辨脈證從法而治之。

林 卒中昏塞不省人事，牙關緊急，藥不下咽，細辛去藥皂角去子等分細末，或紙捲蘸入鼻得嚏而後進藥。

○汗下適中

風本為熱，大勝則風動，宜以靜勝其躁，養血是也。

治 須少汗多汗則虛其衛，宜少下多下則損其榮。經曰：汗多亡陽，下多亡陰。

在經雖有汗下之戒，中臟者汗之亦不可太過。

○肥瘦辨治

傳 肥人中風，口喎肢麻，不分左右，皆屬痰，用貝婁夏星陳朮連栝芩風羌荆蕤薄桂行經降火。

瘦人中風，屬陰虛火熱，四物加勝芩栝有痰加治痰藥。

肥白人多濕烏附行經童便煮浸入鹽下行尤捷

肥人中風者以其氣盛於外而軟于內也肺為氣出入之道肥者氣必急痰涎壅盛所以急之必先理氣

○半身不遂左右因治

傳半身不遂大率多痰

在左屬死血宜四物桃仁紅花竹瀝薑汁

右屬痰宜三陳四君加竹瀝薑汁

能食者去竹瀝加荆瀝

○半身不遂經絡空虛賊邪不瀉

或左或右 邪氣反緩 正氣即急

正氣引邪喎僻不遂邪在絡肌膚不仁經即重下住

○風中左而口喎於右之證

史公年六十八一爐在左邊遂面熱左頰有汗因左頰踈緩被風右頰急口喎於右鍼灸於左頰上

先灸地倉一七壯而後於右頰上熱手慰之

次頰車二七壯

○微燥筋牽甚燥筋痿因證

玉

則筋大燥或筋反緩

口噤筋急或由風熱甚勝濕因津液滯胃為痰

者乃燥之甚，血液衰少也。

故經曰：諸筋葉易愈，燥證微也。

○癱瘓虛實辨治 心

三化湯方後曰：四肢不舉，俗曰癱瘓。

實經曰：土太過則敦阜。敦厚也，阜高也。

所謂膏梁之疾，何以明之？三陰不足則發偏枯，三陽有餘則為痿易。其治

瀉令氣弱而愈。故以三化湯下之。若脾虛則不用也。

虛土經曰：土不及則卑陷。卑下也，陷坑也。


故脾衰，四肢不用，四肢皆稟氣於胃。今脾虛不能與胃行其津液，脈道不利，筋骨肌肉皆無氣以生。

故不用其治，可大補十全散，加減四物去邪留正。

○風痿別因 玉

後世編集以外中風邪立名，而與內傷痿證袞同，出治此千古之弊也。

○四時慎風 玉



風中臟腑之俞，即為臟腑之風。

各入其門戶所中則為偏風

風循風府上則為腦風
風入係頭為目風眼寒
飲酒中風為漏風
入房汗出中風為內風
新沐中風為首風
又風入中為腸風飧泄
外在腠理則為泄風

故曰風者百病之長也至其變化乃為他病也無常方然致有風氣也

○五臟風證 附胃風 惠

中肝筋脉拘攣手足不收脇肋脹滿目眩心煩語澁多汗惡風善悲嗌乾善怒時憎女子目下青黃可治灸肝俞百壯宜行經順氣射干湯○目下大段

青黑一黃一白者不治

中心多汗惡風善怒心神顛倒驚悸語聲渾濁口喎冒昧好笑舌強口乾面赤手心熱甚但多偃卧不得煩側唇赤可治灸心俞百壯遠志湯○或青黃不定面色時々戰慄動者不治

中脾多汗惡風身體怠惰四肢不欲動不嗜飲食口角兩邊黃可治但踞而腹滿通身黃色口吐酸水灸脾俞百壯白朮湯○目下及手足青者不治

中肺多汗惡風時咳短氣晝寢夜甚偃卧皆滿息促冒悶其鼻兩旁下至於口上至於眉白色灸肺俞

百壯五味子湯○若色黃肺已傷化而為血不治
○若妄撮空指地拈衣摸床數日死

中腎多汗惡風面浮腫脊骨疼不能行立肌膚變色
但坐而腰痛脇下左右上下赤黃如餅者可治灸
腎俞百壯草薤散○齒黃髮鬚直面如土色者不
治

胃風狀額多汗惡風食飲不下膈塞不通失衣腹脹
食寒泄診形瘦腹大

○晝夜動靜治例 玉
愈風湯方後曰臨卧以此湯下四白丹清肺養魄 陰靜
空心二丹九安神定志 陽動

是靜以清肺
動以安神

○理氣之證治 心

理氣者氣滯氣鬱肩膊麻痛之類也此七情也

宜烏藥順氣之類

理血者無表裏之急證唯血弱舉發不時者

用大秦丸之類
卷活愈風

○治風無定法不必拘南北之說 辨

風之中人不必拘地之南北也明矣

蓋人之虛實不同
天時變異不一
所以風無定法之一言誠後學準

繩耳

○臟絕並諸不治

圓 鑿

口開心
手撒脾
眼合肝
遺尿腎
聲嘶肺
 絕也

髮直吐沫搖頭上竄直視口開手撒眼合遺尿不知
 入面赤如粧汗綴如珠聲如鼾睡或頭面青黑不治
 蓋五臟氣絕也若止見一證猶可治

又
 肉脫筋痛
 動止筋痛

是無血養筋故痛經曰筋枯不治

○治風辨穴

玉

中經 風中血脈口眼喎斜聽會頰車地倉凡三穴左喎

灸右右喎灸左各十一壯

喎向右者 左邊脈中風而緩也 宜灸 左喎陷中 各二十七壯
右邊脈中風而緩也

中府 風中腑手足不遂百會肩髃曲池風市足三里絕骨凡

六處 四肢麻痛者 在左灸右
在右灸左

中藏 風中臟性命危百會風池太推肩井間使曲池足

三里凡七處中臟氣塞涎上不語心憤肢麻灸之

各至年壯

凡中風治法莫如發表攻裏調氣養血治痰也若要

收全功宜艾灸也

○辨治類

○醒後小便少不可利汗液外亡榮衛枯竭無以制
火熱退汗止小便自行

若人自甦能言飲食惟身軀不遂急則率踏經年
不愈加減地仙丹常服緩則轉曳

若飲食坐卧如常但失音小續命去附加薑

中風遺尿氣虛參薯湯補之

○氣虛卒倒參芪湯補之○挾痰則濃參湯加竹瀝
薑汁○血虛四物湯補之○挾痰則四物用薑汁

炒過加竹瀝姜汁

○中風證內邪已除外邪已盡當服愈風湯以導諸經又服大

風悉去縱有微邪加減用之然治病之法不可失
其通塞或一氣之微汗如此為常治之法也

○假令一氣微汗者愈風三錢加麻黃一錢

宜少汗多汗則損衛

○血弱不能養筋故不能運動宜養血而筋自榮也

風本陽邪所以諸方氣藥多血藥少
產後中風多因血虛故專行血藥

○中風之人虛而無力者去麻黃

○審六經見證續命加減并鍼灸
小續命湯丹溪曰凡中風不審六經之加減雖治之不能去其邪也

經曰開則洒然寒閉則熱而悶知暴中風邪宜先服此湯隨

證加減

麻黃去根節

人參

黃芩

白芍

防己

川芎

甘草炙

杏仁去皮尖炒

桂心各一分四分

防風二分

附子炮七分

右細剉分二貼生姜五片水煎食前熱服

古之續命無六經變證之分今詳之明加減之例

仲景謂汗出則止藥局方又服瘥又治諸風皆似非仲景意

太陽中風

無汗惡寒麻杏風谷加一倍針至陰有汗惡風桂芍各加一倍針風府

陽明中風

有汗身熱不惡寒倍甘草加石膏知母有汗身熱不惡風桂芍加一倍加葛根針陷谷房允

太陰中風

無汗身涼附子甘草加一倍加干姜刺隱白

少陰中風

有汗無熱桂附各加一倍鍼太谿

必陽厥陰中風六證混淆繫之於少陽厥陰

或肢節牽痛麻木不仁加羌活連翹各一錢半

又刺厥陰之井太谿以通其經灸少陽之經絕骨以引其熱

古方加減治風證麻痺煩疼眩暈癱瘓脚氣緩弱及

久病風人遇天色陰晦即便變更預宜服此以防

暗啞

精神恍惚加茯神遠志○心煩多驚加犀角○骨節煩疼有熱去附倍芎○骨節痛倍桂附○嘔逆腹疼倍參加夏○自汗去麻查加木○躁悶大便澁去附倍芎入竹瀝○腰痛加桃仁杜仲○臍寒下利去芩已倍附加朮○身疼加芫○腳膝弱加牛膝石斛○失音加杏仁
去痰行氣二陳加減 固
肥人中風口喎肢麻不分左右皆屬痰二陳湯為主加姜汁竹瀝

二陳湯

陳皮

去白

兩

半夏

泡五

茯苓

去皮

四

甘草

二

各

右細剉分七貼生姜三片水煎溫服

風痰盛喉鳴加星皂風蓼枳殼○血虛加四物全

○氣虛加參芪朮○有瘀血加桃紅○自汗君

芩少加苓半佐以附子○風邪盛自汗身痛加羌

活○頭目不利頭痛如破加芎芷細荆頂痛去

芎加藁酒芩○無汗身痛脉浮緊加羌風芎芷芫

○大便秘四物三化微利之○血虧心虛神恍加

連遠芎○動悸連遠芎加酸棗茯神○右癱酒芩

栢連風羌參朮歸芍甘附

○治風方法次序準繩

玉

搐鼻法

擦牙法

吐涎法

發表劑

續命湯

去芎邪

秦艽升麻湯

攻裏劑

三化湯

除內邪

大黃一錢 枳實一錢 芍藥二錢 朴各二錢

發表攻裏劑

防風通聖散

治臟腑兼中
先表之後通之
防風麻黃汗劑芒硝大黃下劑施子滑石利尿

調經養血劑

大秦朮湯

治外無六經之形證內無便之阻
養血榮筋

羌活愈風湯

治肥瘦偏枯內外無邪以行中道
主腎肝屈筋骨弱言難神昏或恐忘

理氣劑

八味順氣散

四君補中氣白芷去陽明風烏藥通腎
胃氣陳皮理肺氣青皮泄肝氣

理血劑

六合湯

四物加秦朮羌活或除芎用防風
治血虛中風眩暈

通關節透肌骨劑

至寶丹

治卒中不語中惡氣絕及小兒諸癩急驚心熱
風入骨髓則耳用之中經中腑者必不可用之恐引風入髓

治痰通經劑

三生飲

治忽昏不知人口喎半身不遂痰厥

省風湯

治風寒口喎筋牽掣痛風盛痰實

雜方

獨活散

治風熱不能言四肢不取手足轉曳

防風湯

治頭目不清常服去風明目

右察辨治方法之旨趣審風邪所在之淺深而施治則必當保十全之功者也

傷寒門

○傷寒之由來

因冬令嚴寒為殺厲之氣乃類深藏君子周密不傷於寒當陽閉藏反動之觸冒之者寒毒入於腠理傳於榮衛壯者氣行不為害也怯者著成病也也

夫中而即病名傷寒

寒藏肌膚

至春變為溫病至夏變為熱病

醫均謂之傷寒

風傷者

自汗惡風

無汗惡寒

經曰冬不藏精者春必病溫

辛苦之徒
房勞之人
多溫熱病皆由久時觸寒不謹密所致也非時行氣也

○時行疫疾

○林夫時行者

春應暖而復大寒
夏應大熱而反太涼
秋應涼而反太熱
冬應寒而反太溫
非其時有其氣故
一歲之中長幼病多相似者是也

○掌疫癘四時不正之氣人感之即成病

寸濡而弱
尺弦而緊
證身熱頭痛自眩嘔吐長幼相似

春感清責在肝
升麻葛根湯解肌湯
夏感寒責在心
證身熱頭痛腰滿自利長幼相似
理中湯半夏桂枝湯

白虎湯膏 五錢 知

粳石 井 七分 參 一錢

五味 十粒 麥 附 厄 各 一錢

敗毒散 柴 桔 卷 芩 得

參 芳 前 枳 井 各 一錢

加入 參 一 味 人 參 敗 毒 散 上

散 上

秋感熱責在肺
證濕熱相搏咳嗽黃疸民多病
白虎加朮或茵陳五苓

冬感暖責在腎
證咽痛或生赤疹喘咳率痛民多病
升麻葛根湯敗毒散

不可拘於日數隨其經而取之

○傷寒之明辨

傷寒 感冒 之明辨

傷寒論曰中而
即病名曰傷寒
不即病寒毒藏肌膚至

春變為溫病
夏變為暑病
此外有四時感冒新受風寒之輕證而見頭痛

痛惡寒發熱等証非爵變傳經重病之比

今人借仲景治傷寒之法以治之實非仲景立法

之本意也

○六經之脉證用藥之凡例

傳治傷寒必須識經絡不識經絡猶觸途冥行不知

邪所在

病在太陽及少陰厥陰乃和少陽

如此則寒邪未除真氣受弊

寸尺脉俱浮太陽受病頭項痛腰脊強發熱惡寒當

一二日發

表脈自汗者風傷衛氣宜實表實無汗者寒傷榮血宜發表

脉浮緊有力為傷寒浮緩無力為傷風

用藥冬月傷寒加減麻黃湯發表傷風加減桂枝湯發表

春月無汗者活中湯發表有汗者加減中和湯實表

寸尺脉俱長陽明受病身熱目疼鼻乾不得眠微惡寒當二三日發

目疼鼻乾微惡寒身熱病在經絡也

脉見微浮為經病沈數為腑病

目眩痛鼻乾不眠柴葛解肌湯

用藥潮熱自汗譫語去衣揚手擲足班黃狂亂怕熱

大便實輕大柴胡重承氣湯

寸尺脉俱弦少陽受病脇痛耳聾寒熱嘔而口苦當

三四日發

先起惡寒身熱耳聾脇痛經本病也後嘔而舌乾口苦胸標病

脉見弦數本經

用藥 耳聾脇痛寒熱嘔而口苦舌乾者柴胡双

解飲 此經膽無出入有三禁不可汗利小便

已上三經皆受病未入於腑者可汗而已

尺脉俱沈細太陰受病腹滿噎乾發黃當四五日發

先腹滿咽乾發黃腑熱也 後身目黃標病也 自利不渴或吐或噎臟寒也 不可混治

脉沈而有力宜下 無力宜温

用藥 腹滿咽乾肢温腹痛桂枝大黃湯 身目黃首腫大黃湯 自利不渴或吐或噎加味理中湯

尺脉俱沈少陰受病口燥舌乾而渴當五六日發

其證 二日便發熱脉沈足冷或惡寒踈卧宜温經散寒 五六日而發口燥舌乾渴而譫語此傳經之熱邪宜急下之

脉 沈實而有方宜下 沈細遲無力宜温

用藥 口燥咽乾渴而譫語大便實遠瀉硬痛加減養氣湯 無熱惡寒厥冷踈卧不渴或腹痛吐瀉或陰毒手甲唇青身如被杖面如刀割戰慄者俱是寒邪中裡加減四逆湯

尺脉俱微緩厥陰受病煩滿囊縮當六七日發

其證 一日便發吐利小腹疼寒甚者唇青厥冷囊縮是本經不足 寒邪直中之也宜温之再灸丹田氣海 六七日而發煩滿囊縮此傳經邪熱脉沈疾有力宜急下之

大抵 熱深厥亦深則舌卷囊縮也當子細而辨其冷熱 陰寒冷極亦舌卷囊縮

脉 沈實宜下 沈遲宜温 緩者病自愈


用藥

渴而煩滿古卷囊縮大便實四肢作冷加減氣湯
或口吐涎沫四肢厥冷通於肘膝木渴小腹絞痛世六芩麥四逆湯
已上三經皆受病已入於腑可下而已

○過經危例 林

百問曰傷寒六日傳足厥陰經肝木移氣剋脾土
脾受賊邪五藏六腑皆困危榮衛不通耳聾囊縮
不知人而死用葦氣速下可保五死一生

○六經病證表退見効 林



太氣皆去病人精神爽惠也

若過十二日以上不間尺寸陷者大危矣

○即病傳經

傳

傷寒之證非若雜病之易知也惟仲景深達是理
而為立法之祖著傷寒論載二百九十七法以為
後式惜乎其書一變於叔和之撰次傳之愈久
而愈失其真也再變於無已之詮注

且三陰寒證之用熱藥者十居七八

其內經所謂傳經之傷寒自三陽而傳入於三陰
之經但一於熱耳是以不能不使人之致疑故

後人紛紜之論俱未得其旨要

至人傳云傷寒大法有四曰

傳經
專經
即病
傷病

夫
即病者多為專經
傷病者多為傳經

蓋寒邪之中入無有定体或中於陰

或但中於太陽未及鬱熱而即發首尾只在本經

而不傳變者宜麻黃桂枝等湯驅散表邪而愈

或有從太陽未及鬱熱不從陽明少陽過而遂入

於三陰之經者○亦有初不曾入於陽經而直傷

於三陰之經而即病者○因其未曾鬱熱一切為

寒證故多自霜降至春分之前發者是也○為其

無頭疼無大熱脉沈遲微故古方又出中寒一條

實此證也宜四逆真武等湯温中通脉而愈

若夫始從太陽鬱熱以次而傳至於陽明少陽次

第傳變於三陰之經者則為傳經之熱證明矣故

多自春分後至夏至前發者是也

夫春夏固無即病專經之寒証而秋冬豈無鬱病傳經之熱証乎

○傳經次第不二之說

太陽者為諸陽之首膀胱經病若渴者自入於本

也名曰傳本

太陽傳陽明胃土者名曰巡經傳

為發汗不徹利小便餘邪不盡透入裏也

太陽傳少陽膽木者名曰越經傳

為元受病脈浮宜汗當用麻黃而不用之故也

太陽傳少陰腎水者名曰表裏

為表病急當發汗而反下所以傳也

太陽傳太陰脾土者名曰誤下傳

為受病脈緩有汗當用桂枝而反下之所致也當臍腹

痛四肢沈重

太陽傳厥陰肝木者名曰巡經得度傳

為三陰不至於首惟厥陰

與督脈上行與太陽相接

○傳經首尾無定規之說

林

邪乘虛經

自脊得之則入太陽自面感之則入陽明之類

不必始於太陽次第傳諸經

或寒邪

首尾只在二經

不可以一理推但據脈與

證驗之假令脈浮緊頭項強痛發熱惡寒已至過

經每日如此只是太陽受病更不傳諸經餘皆倣

之

○兩感之證理 国林

一日證

頭痛太陽邪盛於表

脈

大而沈也

屬

膀胱

二日證

身熱譫陽明邪盛於表

脈

長而沈也

屬

胃

三日證

耳聾少陽邪盛於表

脈

弦而沈也

屬

肝

国内外兩感府藏俱病

欲表之則有裏欲下之則有表

表既不能一治故曰兩感者不治

然所稟有虛實

虛而感之深者必死

實而感之淺者猶可治

有治之而不救者矣

○兩感當切脈逆從知其吉凶感邪

脈從陽可治從陰難治陽生陰死之謂也

頭痛

身熱

耳聾

口乾渴

三陽也發表葛根麻黃

三陰也攻裏調胃承氣

腹滿而厥

○兩感治法救攻解惑

俗醫引活人書下利身疼痛虛寒救裏之例欲施

煩渴腹滿譫語裏縮執實證狀乎否乎

仲景所謂發表葛根麻黃也

蓋活人所謂救裏四逆也

今以救為攻豈不相背若用四逆是以火濟火腹

滿譫語裏縮證何由而除臟腑何由而通榮衛何

由而行六日死可立而待也

吁兩感雖為不治之證然用藥之法

者不可不素有一定之法於胃中也○及六日死者陰陽臟腑皆受病則榮衛不行臟腑不通而死

文選卷一

三十一

表證之治法

林 發汗之解表 脈浮緊表實無汗寒傷榮一麻黃湯

脈浮 緩反煩躁各半湯

掌 發熱惡寒表証 脈浮身痛太陽惡寒表虛

發表則裡必輕

經曰才口脈浮而盛病在外可發汗

春月陽微少汗之不可太過

冬月陽潛伏汗非宜輕藥解之

春初冬月病輕不問風寒 有汗 柴桂芩人芍半 甘生姜 無汗 麻黃芍 葱葛豉

百 夏時暑熱脈洪大玄府開故易汗

林 治人書曰 惡寒用溫藥陽微惡寒也 發熱用涼藥陰微發熱也

裏證之治法

掌 裡證者內熱是也內熱裡之弱屬陽明宜下之故

仲景曰陽盛陰虛 下之則愈 汗之則死

不惡寒反惡熱手心腋下濺然汗出胃乾咽燥糞

結潮熱尿如常腹滿喘或譫妄脈沈滑裡證也

小便少手足心并腋下不滋潤者不可攻

表裏俱見證之治法

脈浮大是表 證當汗 此是表裏俱見五苓散 澤木茯苓 尿赤煩渴是裏

六七日不解而煩有表裡證渴飲飲水入即吐
名承逆五苓散

六七日不大便頭痛有熱是裡証當下
其人小便清知不在裡仍在表當汗此兩證俱見桂枝

湯桂枝芍甘
生姜棗

病人心下滿不欲食大便堅脈沈細是裏証當下
頭汗出微惡寒手足兼冷當下此

在半表半裡也小柴胡

太陽病表證未除而醫數下之遂協熱而利利不止

心下痞鞭謂之表裡不解桂枝人參湯桂參木
姜甘

太陽桂枝證誤下之利遂不止脈促表未解喘而

汗出者葛芩甘連

太陽病醫反下之因腹痛是有表裡桂枝芍藥湯

桂芍甘
生姜甚腹痛桂一芍二大黃一

○半表半裏之謂林

屬表者風寒客於皮膚陽氣拂鬱所致合翕發熱

若冷羽所覆邪在外若小便黃非在外

屬裏者陽氣陷入陰分蒸發熱若董蒸邪在內

若小便清非在內

○雙解之辨異林

裡證已急或脈浮或頭痛風寒表證仍在者過經

不解用大柴胡謂之雙解

風兼寒脈 寒兼風脈 榮衛兩傷俱實 脈浮緊無汗用大青龍謂之兩解

○表裡寒熱宜從治之證

林

發熱反欲得衣 熱在肌表 寒在骨髓 先與桂枝寒已次小

柴加桂

身寒不欲近衣 熱在骨髓 寒在肌表 先白虎加參除熱次

各半湯

○表裡虛實之辨



脈

浮而緩又惡風有汗此表虛中風証也

脈

浮緊而洪只有力惡寒無汗此表實傷寒也

○急宜救表裏之證

百

仲景曰傷寒下之後下利清穀不止身疼痛者急

當救裏四逆湯

下後若身疼痛清便自調者急當救表桂枝湯

○無表裡證之辨治

百

仲景曰病人無表裡證發熱七八日大便堅鞭脈浮數大柴胡


七八日後目中不了了睛不和無表裡證大便難

微熱者大承氣柴胡

○表水之辨治 百

仲景曰傷寒表不解心下有水氣乾嘔發熱而咳

或



者小青龍此謂表有水也

太陽中風心下痞硬滿引脇下痛乾嘔短氣汗出不惡寒者此表解裏未和也十棗湯

○陽毒證治 百

二三日太陽脈浮惡風寒頭項強痛
二三日陽明脈長不惡寒反惡熱目疼鼻乾是二陽脈証常規也
三四日少陽脈弦細口苦脇下堅滿往來寒熱

陽若獨盛陰暴絕變為陽毒必發狂

○初受病時所感邪毒深重

或吐下後邪熱乘虛而入 使熱毒散蔓

六脈洪大舌卷焦黑鼻煤身面錦斑狂言直走踰

垣登高歌奔衣走 五日可治 六七日不可治

若熱甚時狂時昏口噤咬牙藥不可下者用水漬

法候牙寬狂定用藥 疊布數重水漬之 搥去水 搭於背上即蒸熱又以別

布易之頻換水 熱漸退用藥

陽毒外麻湯治陽毒赤斑狂言吐膿血

升麻 二分 犀角 射干 黃芩 人參 各一分

右咬咀水煎服之若咽痛玄參升麻湯

玄參升麻

○陰毒證治

四五日太陰脈沈細腹滿

五六日少陰脈沈欲寐而渴

六七日厥陰脈緩氣上衝胃飢不食吐衄

是三陰脈証常規也

陰病若深陽頓絕變成陰毒

積陰盛於下則微陽消於上故其候沈重四肢逆

冷臍腹築痛身疼如被杖

六脈沈細而疾一息七至以

掌

初受病時所感寒邪深重致陰氣獨盛

變成陰毒

六脈沈微腹中絞痛或自利肢重咽不利虛汗嘔

吐唇青面黑厥冷身疼如被杖

三日可治五日不可治

或

其升歸桂雄黃蜀椒蠶甲煎服溫覆取汗
真武湯茯苓芍朮附子生姜
用葱熨法溫臍下漸醒肢溫有汗即瘥續用四
逆之類若熨而肢不溫不可治

○陰証似陽

煩躁面赤身微熱脈來沈微也

此則陰証似陽也

以脈為據不必守證

小便赤大便結其脈沈滑四肢逆冷伏熱深也

此則陽証似陰也

輕者白虎重者承氣

陰極則生躁

物極則反皆物之理性也

熱極則發厥

○合病論治

百

太陽發熱惡寒頭痛腰脊強
陽明身熱目痛鼻乾不得眠
少陽胸脇痛耳聾口苦舌乾寒熱而嘔
此三陽經病証也
太陽脈浮
陽明脈長
少陽脈弦
此三陽經之病脈也
三陽有合病三陰無合病

太陽
陽明之合病有二證
自利葛根湯葛桂芍甘麻黃棗生姜
不利但嘔葛麻黃半甘桂芍
喘而汗出禁下麻黃湯陳皮麻黃甘杏

太陽
少陽之合病有二證
只自利黃芩湯芍苓半甘
自利而嘔黃芩湯倍半夏加生姜

陽明
之合病有二證必自利
脈長為順
脈滑而數為負有宿食大承氣湯

三陽之合病腹滿身重難轉側面垢遺尿譫語口中不仁不可汗下白虎湯主之
知母石膏
甘粳

併病論治
併者始初二陽合病後則一陽氣盛一陽病衰歸併於一經也

掌 太陽初得病發其汗汗出不徹因轉屬陽明續自

微汗出不惡寒者是也面色怫鬱痛無常處脈瀼也
也更以麻黃湯汗之
太陽証未罷各半湯微汗
太陽証罷但有陽明証兼氣湯

太陽之併病
頭項強太陽也
少陽之併病
心下痞而眩少陽也
當刺大推肺俞慎勿下

○温家之五證
春月傷寒名温病
百

温病
經曰冬傷於寒春必病温脈浮數發熱頭痛亦

惡寒輕於冬夏升麻湯
升葛芍甘
芍甘解肌湯
芍麻桂

温瘧
仲景云脈陰俱盛重感於寒者變成温瘧經曰

瘧脈自弦弦數者多熱小柴胡白虎之類

風温
頭痛身熱常自汗四肢不收多眠劇息
陽脈浮滑
陰脈濡弱

黃芪防已湯

并芪 巳木 切忌汗

溫氣溫氣來行變

成溫疫 作天行

少長皆同無異

陽脈濡弱 陰脈弦緊

者熱溫寒清順時宜以平為期

溫陽脈洪數 毒陰脈實大

更遇溫熱變為溫毒發癰生疹咳嗽

心下痞悶玄參升麻湯

升玄 廿

○濕家之三證

百 掌

濕暑濕相搏成濕溫胃間多汗頭如劈脛冷妄言

陽脈濡而弱 陰脈小而急

茯苓白朮湯

苓姜木 桂廿

中濕一身盡痛發黃

大便快 小便澀

脈沈而緩當利其小便

風濕肢體痛重難轉側額上汗出不欲去被身腫目

晡所劇其脈浮發汗微々出則風濕俱去也

○剛柔之二症

百 掌 林

症屬太陽經太陽經中風又感寒濕又大發溫家

汗則成瘧發熱惡寒似傷寒但項背反張口噤如癰

有汗不惡寒曰柔瘧桂枝加葛根湯

桂芍甘生薑 棗加葛根

無汗惡寒曰剛瘧葛根湯

葛桂芍甘麻黃 生薑棗

瘧亦作瘧

剛瘧即陽瘧仰目易愈 柔瘧即陰瘧眼合難愈

瘧瘧瘧

異實同也

○惡寒證治

林

背惡寒者脊陽 腹陰謂陽不足陰盛故尔又陰氣乘陽也

惡寒 無熱惡寒發於陰 陰寒為病口中和 陽氣內陷口乾而煩

有熱惡寒發於陽 有汗表虛 無汗表實

發汗 太陽發熱無汗惡寒麻黃湯 陽明雖有下証但惡寒表未解也麻黃湯

解肌 太陽發熱有汗惡風桂枝湯 陽明脈遲汗多微惡寒表未盡也桂枝湯

和解 少陽頭痛發汗惡寒小柴胡 發熱微惡寒柴胡桂枝湯

溫經 少陰惡寒脈沈細四逆理中湯 汗後惡寒虛也芍藥甘草附子湯

建中 下利後惡寒而腹脹溫 宜小建中湯不可吐下 尺寸脈微惡寒表裏虛

清熱 吐後數日不解熱渴時惡寒表裡俱熱 宜

虎湯

○發熱證治

林

發熱 邪在三陽太陽証多與潮熱若同而異 邪在三陰少陰証多與煩躁相類而非 此屬半表半裡

屬表者即風寒客皮膚陽氣怫鬱所致翕々發熱

邪在外 若小便黃色非在外

屬裏者即陽氣下陷入陰分 蒸々發熱如薰蒸邪

在內 若小便清利非在內

發汗脈浮緊無汗為表實寒傷榮麻黃湯

解肌脈浮緩自汗為表虛風傷衛桂枝湯 解表有之別

兩解 脈浮緩反無汗 脈緊而反煩躁 各半湯

○身熱反欲衣 寒反嫌衣 林

發熱反欲得衣 熱在肌表 表熱 寒在骨髓 裏寒 先陰且湯次小柴加桂

脉沈遲四肢厥冷下利此陰證發熱四逆湯

身寒反不欲近衣熱有骨蒸先白朮加人參湯熱除

次各半湯

○潮熱證治 困

少陽王於寅卯於此時發熱邪未入胃非潮熱

其候應於未申所發者乃謂之潮熱其邪在胃

和解 惡寒潮熱或溏或瀉小柴胡 脉浮弦小便難噦腹滿脇痛無汗喘小柴胡加茯苓

攻下

脉實潮熱大承氣 汗後不惡寒腹滿喘潮熱大小承氣 下後潮熱大便復硬大柴胡 傷寒數日吐汗下後不解日晡潮熱循衣摸床喘急直視服葦氣湯脉弦生濡死

解肌 日晡潮熱脉虛微汗之桂枝湯

○自汗盜汗證治 困

自汗 多衛氣不和兼熱邪所干 汗出惡寒身熱渴邪干衛 汗後惡寒表虛

汗出不惡寒裏未和

解肌 發熱惡風自汗太陽中風桂枝湯

補 自汗小便數芍藥甘草

和解 自汗身熱不渴柴胡加桂

溫經 多發汗々漏不止名曰漏風亡陽桂枝附子湯 陰証四肢厥冷自汗四逆湯

下 陽明證汗多渴不大便調胃承氣

肢汗 大便難譫語四肢汗出熱聚於胃也可下 不食小便澁四肢汗出中寒也可溫不可下

盜汗一睡而汗出覺則方止非若雜病之虛是邪在

半表半裏也

解肌一汗出而微惡寒小柴胡加桂

散熱一冬陽明脉浮潮熱或盜汗黃芩湯

○頭痛辨證治法 困

三陽受邪留不去厥為頭痛

太陽證居多
頭頂痛厥陰
頭角痛少陽
額痛及鼻陽明

發汗

無汗發熱惡寒頭痛麻黃湯
不大便六七日頭痛有熱尿清不在裡仍在表須汗
痛甚者必衄葛根葱白湯

解肌一汗出發熱惡風頭痛桂枝湯輕者柴胡桂枝湯

和解

邪在半表半裡少陽往來寒熱頭痛脉弦細小柴胡
發熱頭痛似瘧各半湯

溫經

厥陰少陰陰吐涎沫具未通湯
夏月頭痛身冷自汗此中暑也未附湯

分利一夏月頭痛惡寒心下煩躁不袂五苓散

清上—太陽傷寒頭痛用酒炒黃芩薄芎藭活輩

攻下

表邪入裡不大便秘脉沈滑尺寸長頭痛可下
有熱不惡寒反惡熱或不大便秘赤調胃承氣

○項強證治 林

發汗—太陽病項強凡凡無汗惡風葛根湯

解肌—太陽病項背強急凡凡反汗出惡風桂枝加葛根湯

和解—身熱惡風項強腹滿肢溫渴小柴胡

下—結胸病亦項強如柔痙狀大陷胸湯

○頭眩證治 林

格也除二

三十一

少陽與太陽併病而眩者責其虛也○眩冒皆汗吐

下後所致是知其陽虛也○鍼經曰上虛則眩

惡眩及其諸逆發汗劇者言亂目眩而死

陽明陽明病頭眩不惡寒能食而咳咽痛

和解半表半裡邪漸行於裡表中易虛故時目眩宜解肌

溫經頭眩身攣動或虛弱汗多真武湯茯苓附子
木生姜

○胃滿證治 林

胃滿多帶表證

脇滿多俠半表半裡

發汗胃中至表猶近也

邪氣自表傳裡必先自胃腸次經心腹

和解半表半裡脇下痞鞭冲和湯

去棗加牡蛎
陽明少陽合病下利身熱脇痛大柴胡

○心下滿證治 林

下前之滿則有吐下之殊

後之滿則有結胸痞氣之別

脈双弦而遲者必心下硬

實則心下滿
虛則心下悸

和解 滿而不痛半夏瀉心湯

分消 嘔滿而發熱小柴胡

下 飲水多心下滿脹牡蛎瀉瀉湯利小便

下 心下滿而硬痛大陷胸湯

下 心下痞按之濡關脈浮大黃黃連瀉心湯

下 心下痞惡寒汗出附子瀉心湯

下 汗後胃不和心下痞鞭咽乾食臭腸下水氣腹鳴下利瀉心湯

下 諸瀉 下多痞而乾嘔心煩不安甘草瀉心湯

○結胃證治

林

有下之早而成者直指方云藏氣閉結而不復流布也脈浮緊心下硬痛未可下之

按之則痛為少結胃

不治——結胃證悉具而加之煩躁者不治

和解——結胃有熱或煩渴先用沖和湯加枳實次下本藥飲水不散而結小半夏茯苓湯

瀉水——結胃喘促狂亂用地龍水一服自然汗出愈

理中——邪熱在上胃膈痞結或未辨虛實先與理中加枳實尤妙結胃手不可近陷胃藥不效枳實理中丸湯者加承氣

輕——小結正在心下按之痛脈浮滑小陷胃
無熱證二物小陷胃湯

重——熱實心下痛脈沈緊大陷胃湯
兼項強如柔瘕狀從心下至臍上手不可近大陷胃湯

破痞——血結胃喜心小腹滿小便不利抵當湯陸上疎桃大黃

○痞證治法

林

寸關脈沈心下滿而不硬名曰痞

不滿但妨悶者非痞也謂之支飲

凡痞而硬者為水停

脾不能行氣於四臟結而不散為痞

和解——不滿不硬支結者小柴胡加桂湯

雙解——胃滿而濡者半夏瀉心湯胃滿硬按之不痛關脈沈緊大柴胡

攻下——心下痞硬引脇痛乾嘔短氣汗出不惡寒脈沈實十棗湯

分利一痞滿小便不利五苓散

○欬逆證治

林

胃中氣不交也少陰至胃中交於厥陰水火相搏而有聲故欬逆

若^寒客于中氣不得伸則當^{溫之}

若^熱胃有寒又飲以水水寒相搏而成咳逆則當溫之

倘加以頭汗譫語腹滿微喘見咳逆此危殆甚矣

溫胃寒先服理中湯次服旋覆代赭湯一脈微細橘皮干姜半夏生姜羌活

導氣一汗下後喘噫咳逆橘皮半夏湯

瀉心脈浮洪或有熱而咳逆者火熱奔急上行肺不得納故也甘草瀉心湯

下少陰因失下所致

大便硬大承氣湯大便軟用瀉心湯脈散者死

躡藥無効硫黃乳香等末以酒煎急令患人躡之

灸灸期門穴婦人屬乳頭向下盡處骨間丈夫及乳小者以一指為率陷中動脈是穴

○腹脹滿證治

林

傷寒至六日入胃是在腹太陰證居多

和解一腹中滿痛小柴胡去黃芩

攻下少陰六七日不大便腹滿痛急下之小承氣大實痛者桂枝大黃湯譫妄脈沈數煩渴不拘日數調胃承氣

溫太陽病反下之因而腹滿時痛桂枝芍藥湯

○小腹滿證治

林

必有物聚於此而為之滿

在下而滿者

氣也 物也 物者 溺與血也

小腹滿硬小便自利其人如狂者血證諦也

下小腹急結者可攻之挑仁養氣

滲利小腹硬尿不利為無血當滲利之

分利汗後煩熱而渴辰砂五苓散

與水汗後胃乾煩不得眠欲飲水少與之

○煩躁證治

煩躁為擾之而煩煩為內不安
躁為憤躁之燥燥為外不安

有

邪氣在表
邪氣在裏

因火劫
陽風

陰盛

煩躁如此者證之常也非逆也

證

結胃證悉具煩躁者死
發熱下利厥逆煩躁不得卧死
少陰病止利煩躁四逆者死
少陰病自利煩躁不得卧者死

兩解惡寒而踏時自煩欲去衣大柴胡

解肌煩躁消渴辰砂五苓散

與水汗後煩躁不得眠欲飲水者少與之

和自汗心煩小便多芍藥甘草湯

下五六日不大便繞臍痛煩躁發作有時此有燥尿
小兼氣

導痰

其人素有痰証看熱溫風火宜兼治之
有痰而咳大半夏湯
療春冬傷寒之咳嗽喉鳴上氣不得下橘皮湯

溫經

少陰或咳或悸小便不利四逆散
少陰病腹痛小便不利四肢重疼自利或咳真武湯加五味細辛干姜

喘急證治

林瑩

有

邪氣在表不利
水氣射肺
形寒飲冷傷肺氣逆上喘
腎氣乘心

惡證

直視譫語喘滿者死
汗出發潤喘不休肺絕
身汗如油喘不休命絕

發汗

邪氣外盛壅遏使氣不利而喘者雖汗而喘不已見其邪氣在表雖經汗下亦可發之麻黃杏子石膏湯

解肌

太陽下之微喘者表未解也桂枝加厚朴杏子湯

兩解

水停心下小便不利腹滿而喘小青龍去麻黃加茯苓汗後飲水多喘咳小青龍去麻黃加杏仁
脈盛自汗喘大柴胡

溫

陰證喘促必脈伏而逆反陰丹
陰毒喘促求甦丹
理中四逆輩

下

腹滿而喘有潮熱者此外欲解大柴胡
短氣而促腹滿大柴胡
汗後潮熱不惡寒腹滿大便實喘小兼氣

分利

水停心下腎氣乘心為喘五苓散

清熱

桂枝証醫反下之利遂不止脈促者表未解喘而汗出甚根黃連黃芩湯

嘔吐證治

林瑩

大抵表邪傳裏氣上逆則為嘔

有

責為熱
貴為寒
胃脘有癰膿不必治膿盡自愈

先

嘔後渴此為欲解
嘔後嘔為水停心下

嘔而脉弱小便復利身有微熱者難治虛寒之甚也

發汗一太陽與陽明合病自利若不利但嘔吐葛根加半夏湯

兩解嘔發熱柴胡証具心下急胸微煩大柴胡胸脇滿嘔潮熱小柴胡加芒硝

下乾嘔短氣汗出不惡寒者表解裡未和十棗湯吐逆二便不通厥逆無脉大表氣

和解半表半裏証多嘔小柴胡胃熱胃中有邪氣陰陽不交腹痛嘔吐黃連湯

溫胃嘔吐手足冷小橘皮湯寒多而嘔理中湯

不飲水而吐理中去末加生姜經汗下閉脉遲胃虛冷而吐于姜黃芩黃連人參湯少陰吐者真武去附子加生姜

發汗後水藥不下為逆

分利中風發熱六七日不解而煩渴欲飲水以即吐名水逆五苓散先渴而後嘔水停心下屬飲亦茯苓湯

清熱有虛熱少氣氣逆欲吐竹葉石膏湯瘥後有餘熱在胃脘而嘔者竹葉加生姜汁湯

太陽少陽合病自利而嘔吐黃芩半夏生姜湯嘔而思水者急與猪苓湯治熱嘔不可無烏梅

○渴證治法

邪氣傳裡熱氣散漫薰蒸焦膈搏耗津液遂成渴

六經渴有陰證陽證

和解太陽脉弦而嘔渴邪在半表半裡小柴胡加枳實根厥陰病消渴氣上衝心中疼熱苓朮桂枝汗下後胸脇滿微結尿法渴不嘔但頭汗出往來寒熱心煩柴胡桂枝干姜湯

陽明汗多而渴小柴胡去半夏加入參枳實

解肌生津脉浮發熱渴欲飲水小便不利猪苓湯少陰下利咳嘔煩渴不眠猪苓湯汗多者不用

清熱生津

吐汗下後七八日不解表裡俱熱惡風大渴舌乾欲飲
太陽服桂枝大汗出煩渴
中陽四肢冷汗出煩渴
汗後脈洪大而渴
陽明脈長有汗發熱而渴

白虎湯

普白虎湯
人參湯

夏至左右煩渴發熱不惡寒竹葉石膏湯

溫中

少陰自利而渴尿色白下焦虛寒甘草干姜湯
心煩欲眠自利而渴理中湯

分利

小便不利而渴必發黃茵陳五苓散
汗後脈浮煩渴五苓散

與水

厥陰脈微渴而引飲少少與之令不足

下

陽明脈長而實有汗而渴調胃承氣
脈沈滑熱實煩躁而渴大陷胃湯
陽毒發在煩躁大渴潮熱咽痛黑奴丸

衄血證治

林

傷寒衄者責熱在表
陽盛則衄

陽明病口乾鼻燥能食則衄

有不當汗而強發汗因致衄者

脈浮鼻燥口乾漱水不欲嚥者是欲衄也

發煩目瞑劇者必衄今乃解

太陽脈浮緊發熱無汗衄者愈

惡證一衄者但頭汗出身無汗不出不至足者死

發汗一傷寒脈浮緊不發汗因致衄者麻黃湯

解肌一脈浮自汗而衄桂枝湯

下厥上竭少陰病但厥而無汗強發之必動其血

或從口鼻出名下厥上竭難治姜附湯治本

下——不_レ大便六七日頭痛熱_レ衄小_レ美氣或涼膈散_地

分利_衄而渴心煩飲水水入即吐_{先五苓散}

涼血_{傷寒}九_{溫病}當汗而失之熱蘊_衄及吐血犀角地黄湯


黃芩芍藥湯不止茅花湯

水貼_{汗後熱退衄不止新水濕紙於_鼻上貼之數易之}

欲_衄傷寒七八日不解消自上至頭目面上色黑紫壅腫寸脈浮大而數是欲衄而不能出刺鼻中出血數升而安或兩尺澤穴出血如射即安

○譫語證治_困

譫言有



如此者脈

短者死
自利則愈

譫語

身微熱脈浮大生逆冷脈沈細日內死

實則譫語氣收_欽在內而實者本病也

或_{氣上逆而喘滿}者皆為逆也

經曰直視譫語喘滿者死_{下利者亦死正氣脫絕也}

和解

發汗多亡陽反身和譫言此津液不和也不可下柴胡桂枝湯傷寒發熱經水適來_{晝明}此熱入血室無犯胃氣_胡湯

兩解

身熱四五日大便秘小便赤譫言昏憤反熱_急用大柴胡

溫——有陽虛陰盛而譫言脈沈細弱者當溫經助陽

清熱

譫言不思寒反惡熱白虎湯煩不得眠譫言自虎加梔子湯三陽合病腹滿身重難轉口中不仁面垢譫言遺尿脈必滑實不可下白虎湯腹滿微喘口乾咽爛或不大便又則譫語是因被火劫所致白虎湯

逐瘀一瘀血狂言尿自利大便實小腹滿抵當湯

下之緩微熱病久真神不清狂言脉虛而長微弦滑大兼氣柴胡飲
汗出謔言此為風須下之
下利謔言有燥屎小兼氣
潮熱反不食者胃中有燥屎
太熱入胃水竭煩躁必謔言
身熱汗出大便硬謔言為胃實
調胃兼氣湯

解雜邪

傷寒八九日下之胃滿煩驚小便不利謔言身重難轉柴胡加龍骨牡蠣湯飲鎮神氣

○發狂證治 林

傷寒至於發狂為邪熱至極也

有陽毒發狂多嘔煩躁脉實面赤畜血發狂多脉沈微漱水不欲嚥小腹滿火劫狂者

惡證 在言目反直視為腎絕汗出輒復熱狂言不食為失志死

水漬 新汲水濕布搭於背上頻易之

雙解 熱病六七日未得汗脉洪大數面赤目脹身熱煩躁狂言欲走大渴大柴胡

逐熱 三陽熱極脉大身熱渴而發狂黃連解毒湯不已兼氣湯

血上逆則喜忘下畜則內爭其人如狂輕用犀角地黃湯重抵當湯

逐血 喜忘如狂在身黃大便黑血証也抵當湯胸滿唇痿舌青口燥漱水不欲嚥無熱有瘀血必發狂下血犀角地黃湯加芍藥

畜血者其人如狂在熱在下焦小腹當硬小便自利抵當湯下血

下 脉弦而長調胃兼氣湯脉沈實有表証大柴湯小腹結急者用桃仁兼氣

壯陰 陽氣壯勝陰氣暴絕

必發躁狂走妄言面赤咽痛發

班下利赤黃脉或洪實宜酸苦之藥收陰

芒消葶藶生艾湯

折陽

陽毒在躁發班踰垣上屋

桔梗大黃湯
升麻梔子湯

清鎮

吐下後及虛人未解發狂人參白朮辰砂之類清其浮火
直指方寒水石黃連末水調下
龍膽草物湯治陽狂

救逆

火劫者或

以火於床下
周身用火迫劫

出汗其人亡陽煩躁

驚狂卧起不安桂枝甘草龍骨牡蛎湯

○發黃證治

林

有

下

瘧熱在裏身必黃者
濕熱發黃上
畜血發黃上
痞氣發黃上

危證

傷寒至於發黃為病之已甚也
寸口近掌無脉鼻氣冷不治

形體發黃如烟薰直視搖頭心絕
環口蠶黑柔汗發黃脾絕

發汗

發熱身痛身目俱黃太陽中濕麻黃連翹赤小豆湯
發黃脉浮緊不可下各半湯

和解

身熱不去瘧熱在裏發黃小便微利麻黃連翹赤小豆湯
往來寒熱一身盡痛小柴胡加梔子湯

下熱

脉浮弦欬嗽短氣腹滿心脇痛鼻乾無汗喘卧身
目皆黃小便難潮熱少陽中風也小柴胡湯
陽明身熱頭汗尿澀渴飲水此瘧熱在裏而身黃茵
陳湯

逐血

身黃脉沈結小腹硬尿利如狂為畜血在下焦使之黃
桃仁葶藶湯

分利

發熱頭汗渴飲水小便利大便快五苓散加茵陳
小便不利四肢沈重似瘧不欲飲茵陳五苓散得湯小便
利如皂莢汁則黃從小便出也

內消

傷寒後因飲食致黃用枳木內消也

搐鼻

初覺發黃以爪帶散吹鼻內口掄水搐出鼻中黃水甚驗

○癰證治法

林掌

有

溫毒
熱毒

赤

癰出

五死一生
十死一生

有

時氣所致
下之太早熱氣乘虛入胃故發癰

不治

陽毒發癰者若熱毒深入癰發紫黑是毒熱陷於內不可治也

消散

陽毒已深內外結熱舌卷焦黑鼻如烟煤狂言見鬼面赤發癰如錦

赤癰熱證具咽痛玄參升麻湯 玄升甘

解利

溫毒吧堵葛根橘皮湯 吐清汁服赤口瘡下部生瘡咳而下利黃連橘皮湯

涼血

冬月太溫人受不正之氣至春發為癰爛瘡疹如錦謂之溫毒化毒丹 溫毒身無大熱煩渴大便實或腹滿痛及生赤癰調胃養氣湯

○自利證治

林

謂不經攻下為自澹泄

自利不渴屬太陰以其臟寒也

下利欲飲水者以香熱也

脈辨

自利家

身熱脈大為逆 身涼脈小為順

氣絕

金匱曰

六府氣絕於外者手足寒 五臟氣絕於內者利下不禁

惡證

下利日十餘行脈反實者死 直視謔言下利者死 下利至甚脈不止者死 下利手足厥冷無脈者灸之不溫脈不還死 少陰病下利煩躁不得寐者死

卷之三

四十一

發汗 太陽與陽明合病必自利升麻葛根湯嘔

加半夏

和解 太陽與少陽合病自利黃芩湯三陽病身必熱

下 陽明與少陽合病身熱脇滿乾嘔往來寒熱下利脈長大兼氣發熱後重泄色黃赤此為有熱脈遲而滑內實小兼氣

自利清冷水心下痛口燥宜下

分利 咳而嘔渴自利心煩不眠猪苓湯

清熱 自利而渴少陰也白虎湯

協熱 腸垢即熱也協熱而利必臍下熱黃芩湯鴨澹者寒也協寒而利必臍下寒理中湯

溫 自利不渴屬太陰理中丸

涼血 少陰十餘日自利不止手足微冷無熱証理中湯陽病自利便膿血者協熱也

下利脈數不解自利不止必協熱而便膿血俱犀角地黃湯

○舌胎證治

林

傷寒三四日後舌上有膜白滑如胎甚者或黃皆熱氣之淺深也表邪無舌胎邪氣傳裡津液結搏則舌胎

和解 陽明病脇下鞭滿不大便而嘔舌胎小柴胡

下 熱聚於胃則舌黃熱深也未下者下之黑滑亦下之經曰熱病口乾舌黑者死

清熱生津 七八日不解熱結在裏表裡俱熱時大惡風大渴舌上乾燥而欲飲水數升白虎加人參湯

○臟結因證

掌

臟結之候其狀如結胃飲食如故時下利舌上白胎臍痛引陰筋不往來寒熱云寒而不熱其人反靜此

臟結也

仲景云脇下素有痞連臍傍痛引小腹入陰筋者死無治法

舌上白胎不可攻刺關元與小柴胡

○便膿血分治掌

下後脉數而不解下利不止必協熱而便膿血犀角地黄湯

少陰下利便膿血協寒也桃花湯

○悸動論治掌林

心動惕不安屬氣虛停水汗多榮虛神弱汗為心液去心空如魚無水

汗後

汗後臍下悸欲為奔豚茯苓桂枝甘草湯
發汗過多心下悸欲振桂枝甘草湯
發少陽汗則譫語動悸小柴胡

和解

飲水多厥而悸雖有他邪先治榮茯苓甘草湯恐水溢為喘咳腫
往來多心悸尿澀煩嘔小柴胡

補

脉代結心悸灸甘草湯
少陰病四逆而悸四逆散加桂

○振證因治林

振近乎戰皆責其虛寒

因下後復汗必振寒表裏俱虛亡血家發汗寒慄而振血氣俱虛振搖者皆為發汗過多亡陽經虛也

溫經太陽病發汗後不解仍發熱悸眩暈振欲擗地真武湯

和經益陽吐下後裡虛氣上逆陽不足起則眩脉沈緊發汗則動經振搖或茯苓桂枝白朮甘草湯

○搖頭證因

林

陽脉不至則頭為之搖
有裡痛所致
卒口噤背反張抽搖頭、瘕病也風主動故也
形体加烟直視搖頭心絕也

○四逆厥冷證治

林 堂 百

四逆避逆而不温也
六府氣絕於外者四肢寒少陰也
四肢厥冷身寒厥陰也
諸四逆不可下
吐利煩躁四逆者死

厥

始便厥者

陽氣不足也
陰氣勝也

手足逆冷也陰陽不相順接也

先熱而後

熱者
熱伏於內
陰退而陽氣得復

大抵

厥為陰所主寒者差
發熱七八日身冷各臟厥難治

温

得病後四肢逆冷脉沈細足牽卧而惡寒引衣蓋覆不
飲水下利清穀陰厥也四逆湯

或

温解
厥日多熱日少為陽氣退病進也浮遲微細沈皆裡有寒也
熱日多厥日少病自愈外証多昏憤脉雖伏按之數而有力
兼下兩解

兩解

初身熱頭痛已後大便秘小便赤或畏熱或飲水揚手
擲足煩躁不眠譫昏而厥陽厥也大柴胡

清熱

厥而渴白虎湯

下

脉沈滑頭面有汗八温二便秘赤四肢逆冷熱深也
兼氣湯

○動氣證治

林

奔豚者動氣也築然動於腹中是也
臟氣不治隨臟所主發泄於臍之四傍動跳謂之動氣
真氣虛也雖有表裏攻發之証必莫汗下

治法

行氣養血枳殼散
行氣清熱防葵散

汗下後臍下有動氣茯苓散溫衛

○大便不利辨治

林

脈

數為熱陽邪結於內陰氣不相雜能食不大便名陽結
遲為寒陰邪結於內陽氣不相雜不能食身重大便閉名陰結

汗

尿難為有津液可作汗

尿數不可誤汗証以煩卧不著席拖子湯

下

朝熱大便硬陽盛陰虛下証已具宜下

潤腸

大便堅未便數不可下跌陽脈浮瀋麻仁丸枳實丸

吐——三下不通不可攻當吐提之

溫——陰結金液丹厚朴湯

○小便不利

林

膀胱主臟津液邪熱畜於內津液不下行故小便不利

分利——太陽脈浮汗後小便不利微熱消渴五苓散

和解——傷寒五六日復下尿不利心煩桂枝于姜湯渴小柴

攻下——小便不利大便難微熱胃中有燥屎承氣湯

下熱——傷寒七八日身黃如橘子色尿不利腹滿並茵陳湯

解雜邪——傷寒八九日下之胸滿煩嘔小便不利譫言身重不轉側柴胡龍骨牡蛎湯

○小便自利

林

尿秘尿赤知其內有熱

尿自利如狂小腹滿知不熱乃畜血也

○尿數證治 林

腎膀胱俱虛客熱乘之

虛不能制水 熱則水行澹則尿不快 故令數起

大便堅而尿數為脾約脾約丸

溫太陽自汗肢急難屈伸煩惡寒尿數芍藥甘草湯

下太陽汗吐下後尿數而胃不和譫少與調胃承氣

○身痛辨治 林

太陽 拘急耳 之痛 不可轉側 體勢沉篤如被杖 以此別之

發汗——太陽無汗脉浮身痛麻黃湯

解肌——汗後霍亂身痛少與桂枝湯

溫經——陰毒嘔利身痛如被絞唇青面黑陰毒 甘草 四逆湯

中濕——傷濕一身痛尿當不利 反快 甘草附子湯 小便利者 木附湯

分利——中濕身痛尿不利五苓散

建中——汗後脉沉遲身痛血不足也 桂枝加芍藥 半夏生姜湯

○脇痛辨治 林

脇痛 少陽証表解裏未和而痛 素有痞積在臍傍而痛 痛引少腹入陰筋名藏結死

和解——往來寒熱胸滿痛柴胡牡蛎湯

表水 乾嘔微利發熱而咳 脇痛表有水 小青龍湯 表証罷身涼乾嘔脇痛裏有水 十棗湯

○腹痛辨治 林

九疝卷一

五十二

虛實 按之不痛為虛尺脈弦腸鳴泄利小建中湯

陰陽 按之痛者為實關脈實腹滿而大便秘桂枝加大黃湯

建中 陽脈瀉陰脈弦泄利桂枝芍藥湯小建中湯

和血 厥陰證小腹痛當歸四逆湯

溫中 少陰腹痛泄而厥冷脈微不惡寒面赤裏寒外熱通脈四逆加芍藥

下 關脈實大便秘腹滿繞臍痛實煩躁發作有時有燥屎大莖氣湯 腹滿時痛桂枝加大黃湯

○咽痛證治

咽痛有陽毒痛不可下不可汗 少陽證痛

清熱 少陰腹痛猶有熱咽痛黃連龍骨湯 脈陰陽緊主無汗反有汗曰亡陽少陰也當咽痛其結湯

解毒 陽毒脈浮數而大啞膿血烏扇膏

濕中 下利四肢冷無熱証理中湯加其一倍 非時暴寒伏於少陰之經脈微弱而咽痛必下利腎傷寒也先半夏桂牛湯次四逆湯

○蛇厥論治

蛇厥 元有蛇為臟寒蛇上入膈故時煩復止得食而嘔自吐蛇 因發汗胃中冷故長虫出 因胃氣困之雖飢不能食之到舌蛇聞食氣而上虛寒併胸中所以食蛇并吐出也

溫——溫胃理中丸烏梅丸

利——消渴吐蛇但理中加大黃入蜜以利之

○狐惑證治 林 掌

狐惑一其候齒燥惡飲食面目有赤舌上白唇黑
有瘡四肢重喜眠

虫食其喉為惑甚者食臍而死

上唇瘡虫食其臍

殺虫一雄黃銑散膏納穀道中

涼血一唇瘡聲啞桃仁湯 桃槐艾棗

清熱安虫一黃連犀角湯 連犀梅木香

○口燥咽乾因治 林

咽乾此津液枯燥也慎不可汗

涼胃一口乾少津液脉浮緊微數此陽明燥渴也

和解一口苦脉浮緊咽乾舌燥此少陽邪在中焦

下少陰病得之三日口燥咽乾急下之下熱燥腎水大養氣

○多眠因治 林 掌

多眠太陽欲解則多眠此神將復小柴胡

少陰脉沈細但欲寐神昏故多眠四逆散

○不眠因治 林

汗為心之液汗多則神脫故不眠

心主血大下則動血

差後熱氣與諸陽并陰氣未復亦不眠

與水一太陽汗出胃乾不眠欲飲水少與之

分利

下後渴而不眠猪苓湯
脈浮小便不利不眠五苓散

溫——下後復發汗不眠無表證脈沈于姜附子湯

逐熱——大執嘔錯語不眠黃連解毒湯

和解——吐下後晝夜不眠酸棗仁湯

○漱水不欲嚥論治

林

此證屬陽明凡內執者欲飲水今漱水不欲嚥是執在經裡無熱也

陽明氣血俱多經中熱甚迫血妄行故知必作衄也

凡傷寒脈浮鼻燥口乾但漱水不欲嚥是欲衄也

涼血

陽明身熱頭疼漱水不欲嚥必欲衄犀角地黃湯
外証無寒熱漱水不欲嚥必發狂瘀血停留赤白氣湯
取畫血黑物為度

○晝夜偏劇論治

林

陰虛則不安熱入血室
止陽

和解——婦人傷寒發熱晝則明了
夜則譫語熱入血室小柴胡
加牡蛎

溫經——下後復發汗晝則煩躁不眠
夜則安靜不嘔不渴無表裡證脈

沈微無大汗于姜附子湯

○循衣摸床辨治

林

吐下後未解不大便五六日至十餘日日晡潮熱不惡寒見鬼不知人循衣摸床惕而不安微喘直視脈弦者生
濡者死

太陽傷風火劫，兩陽相熏，發黃衄，循衣摸床，尿利可治。宜下大，兼氣湯選用。若微者，發熱譫語。

○直視證因 林

直視，心腎氣絕也。直視喘滿，譫言，死。直視而下利，死。

五臟血氣調和，營於目，則明矣。今邪氣擁盛，正氣已絕，直視不能瞬也。

下，或目中不了了，睛不和，無表裡證，大便難，微熱者，非直視，此內實也。大兼氣柴胡湯選用。

○遺尿論治 林

三陽合病，下焦氣絕，不歸其部，渴而遺尿，不可汗。

下風溫被下，必失溲。

仲景云：遺尿狂言，反自直視者，腎絕也。

溫——下焦脫陰陽虛，用附子。

清熱——三陽合病，腹滿身重，譫語遺尿。共白鹿加人參湯。

○壞證論 掌

病傳少陽，無表裏妄汗吐下，溫針損津液，胃中乾，木邪土病，邪深，柴胡證。罷為壞病，在則不為逆。

○戰汗論治 林

戰，外慄也。慄，心戰也。皆陰陽之爭也。戰，正氣勝也。慄，邪氣勝也。

為病欲解也正與邪爭則為鼓慄而戰振但虛而不至爭故止聳動而振也

溫經——桂苓白朮甘草湯益陽

救逆——汗下後戰與救逆湯

○短氣證治 困

氣短而不能相續似喘而不搖肩者短氣也

汗——短氣但坐以汗出不徹故也發汗

下——乾嘔短氣汗出不惡寒此表解裡未和十棗湯

兩解——短氣腹滿而喘有潮熱大柴胡湯

分利——水停心下短氣五苓散

○瘈瘲論治 困

瘈瘲筋脉急也急則引縮緩則縱伸或縮或伸而不止名曰瘈瘲

俗謂之搐○邪熱極也熱盛則風搏經絡風主動

故四肢瘈瘲而不寧也

惡證——太陽終者戴眼反折瘈瘲絕汗乃出

發汗——或汗不流是汗出時蓋覆不周故腰背手足搐用牛蒡根

兩解——疎風滌熱防風通聖散

○筋惕內瞤證治 困

發汗過多亡陽之所致也

陽氣者精則養神柔則養筋發汗過多津液枯少陽氣太虛

筋肉失養故

陽之然而跳

睵々然而動 虛甚也

和經 益陽

虛甚者 茯苓桂枝甘草白朮湯

踈風濕

動氣在左 忌汗之汗之則必筋惕肉瞤

此為逆

先防風白朮牡蛎湯 次小建湯

○汗後不解證治

因

病始於太陽經故多以發汗為要

倘汗出不解者或

表邪未盡 邪熱傳裏 而然

所以各不同也

溫經

發汗病不解反惡寒虛也芍藥甘草附子湯 太陽病發汗汗出不解仍發熱心忡悸瞤動振之宜用真武湯 汗後身疼脈沈桂枝加芍藥人參新加湯 大汗出熱不去內拘急四肢疼下利惡寒四逆湯

補中——發汗過多叉手冒心悸欲按桂枝甘草湯

和中氣——汗後腹脹滿厚朴生姜人參湯

分利

太陽病汗後大汗出胃乾不眠欲飲水少與之若脈浮尿赤熱渴五苓散 發汗已脈浮數煩渴五苓散

兩解——發熱汗出不解心中痞硬嘔吐下利大柴胡湯

清熱 生津

溫——汗後臍下悸欲作奔豚茯苓桂枝甘草大棗湯

下——發汗後不惡寒但惡熱及蒸發熱者裡實也調胃承氣湯

○下後不解證治

身熱不去

下後不解

利不止 胸腹滿 煩

去傷寒之邪，不適汗吐下三法得當，病勢易衰，則愈矣。○倘三法失宜，加以病勢危惡，則傳變不已。

○如過經者，以六日傳六經，七日為一候。若不愈，至十三日乃再傳經，盡謂之過經。

吐——傷寒五六日，大下後身熱不去，心中結痛，未欲解，梔子豉湯。○下後腹滿，臥起不安，梔子厚桂湯。陽明下之心，中懊憹，而煩，梔子豉湯。有燥屎者，大承氣。

溫——太陽下後，脈促胸滿，桂枝去芍藥湯。太陰桂枝証，醫反下之，利遂不止，脈促者，表未解，喘而汗出者，葛根黃連黃芩湯。


清熱——服桂枝湯或下之，仍頭項強，無汗，翕翕發熱，心下滿痛，小便澀，桂枝去桂加茯苓白朮湯。

滲利——太陽過經十餘日，二三下之，嘔不止，心煩。大柴胡兩解。

○脈伏因治 困

不因大汗下，忽無脈，曰。或下過如此，必有正汗，四逆湯。溫之，晡時有汗，便安。汗不出者，死。脈結者，用炙甘草湯。

○誤汗之變證 傳



難經曰

陰盛陽虛

汗之即愈

陽盛陰虛

下之即愈

又曰

桂枝下咽陽
衰氣入胃陰

盛

即斃
乃亡

○陰易

之論治

困圍

男病新瘥婦與之交曰陽易也交互而為病

婦則裡急腰膝連腹痛

男女俱或熱上衝頭重不舉眼生花離經脈見

者死一呼一至白損脈離經二脈易病有之

導陰氣燒裨散竹皮湯

分利小便不利五苓散

○勞復因治

林

瘥後有

勞役
食
女勞

復

傷寒病邪毒犯腑臟如水浸墻壁水退土尚未堅
再犯之熱乃隨至是謂勞復○瘥後當靜卧勿早
起梳頭洗面勞體多言用心此皆令勞復○病後
真氣耗損正氣未完忌酒肉菓實難消之物更結
熱皆難救又不可過飽○病新瘥後未滿百日氣
力未平復而犯房室者皆死
解表勞復生熱脈浮以汗解之枳殼梔子湯

清熱

瘧後渴竹葉石膏湯
勞復發熱欲絕麥門冬湯

下——食復脉沈實腹滿譫語枳實大黃湯
大柴胡湯

○餘證論治 樹

發汗——瘧後昏沈無寒熱不惺或潮熱頰赤綠

發汗不盡餘毒在心包絡所致知母麻黃

湯取微汗

潔淨府——瘧後腰下有冰氣壯蚘澤瀉散以小便

利為佳

○不治脉證 回掌困

一陽病見陰脉者死 一代脉者死

一咳逆上氣脉散

耳聾脉浮滿

難瘥

一譫言見陰脉不治

一譫言

身熱脉洪大生
身冷脉沈細死

一腹大泄利脉

微細順
緊大逆

一吐血衄血脉

沈細吉
沈大凶

一上下不至關

陽氣絕
陰氣絕

一發瘕陰脉不治

一少陰厥逆無脉服藥通脉

脉漸續生
脉暴出死

一少陰四肢厥逆下利惡寒而拳發躁無脉不治

一下利日十餘行其脉反實者逆

一少陽陽明合病下利脉長大而弦曰負者死

一脉陰陽俱虛熱不止脉

作疎者死
作數者死

一伏脉必是有正汗與麻黃甘草附子湯多衣溫暖無汗者
脉不至

不治

一咳逆不止者死

一循衣摸床邪熱內結脉

弦生赤痲出五死一生

一發動氣汗者死

一陰毒過六七日者不治

一兩感傷寒者死

一藏結者死

一大發溫家汗則為淫熱而痊者死

一發少陰汗則動血九竅出血者死謂之下厥上竭

一發少陽汗則謔言汗口在頭面不至遍身衄血逆

一發濕溫汗身青面變耳聾不語曰重鳴不治

一發風溫汗者死亦主謔語一厥陰舌卷囊縮者死

一少陰吐利煩躁四逆者死元一結胸證具煩躁者死

一爪甲青陽衰敗也

一汗出不止如貫珠絕汗也

一喘而不休衛氣敗也

一發汗不至足者逆

一汗後嘔吐水藥不入口逆

一腹大滿下泄不治

一發黃變黑不治

一口乾舌黑不治

一目張目陷不治

一舌本爛熱不止逆

一發痲自利不治

一陰陽易病頭重眼花四肢拘急小腹絞痛手足攣者死

一厥而下利當不能食反能食者曰除中不治

一發厥至七八日覆冷而躁無時暫安者各曰藏厥不治

一傷寒七八日以上大發熱者難治於感咽乾聲啞唇瘡不治

一諸逆發汗劇者言亂目眩不治

一張口出氣乾嘔骨熱痛逆

一謔語直視或喘滿並不利

一下利發熱或汗不止並不利

一汗後不為汗衰謂之陰陽反

一發汗而不得汗者謂之二死

一發熱脉躁疾狂言不能食

一臟絕辨證

搖頭直視如煙熏心唇吻反青四肢多汗肝反自直視狂言遺尿腎環口蜜黑柔汗發黃脾汗出如油喘促無已肺水漿不入形體不仁命門

絕也絕及三四臟則死

○雜證屬因

一頭項強痛太陽

一獨頭面搖瘧病

一額汗風濕

一面佛鬱表未解

一面光不慘中風

一面班如錦紋陽毒

一目痛陽明

一目花陰

一目瞑必衄

一頭搖裏痛

一頭汗瘀血在裡

一面戴陽面赤色下虛也

一面慘不光傷寒

一面作黑狐惑作赤

一面垢中暑肝病

一目睛黃小腸熱

一目脉赤瘧病

一耳聾少陽

一鼻乾陽明

一鼻如烟煤陽毒熱極

一口噤瘧病

一口苦少陽

一口燥少陰

一口難言榮不足

一唇瘡孤感

一舌黑熱劇

一懊憹胃虛

一叉手目息汗多虛也耳必聾

一喜忘如狂畜血

一漱水不欲飲必嘔

一筋惕肉瞤汗下虛也

一身痛如被杖陰毒

一身盡痛風濕

一身微腫風濕

一身重多睡風濕

一身黃小便不利

一身如虫行表虛

一身痒陽虛汗未盡

一背惡寒陰乘陽

一背脊腰強痛太陽

一腹脹氣偏不和

一飢不能食病在胸中

一不眠神虛

一踈卧內寒肢溫可治逆冷不治

一手足瘰癧瘧病

一坐卧而下一脚腰痛

一坐而伏短氣也

一下利清穀內寒

一腸垢熱也

一鴨溏寒也

一咽中瘡上實下虛

一怔忡或汗多水逆

一咽痛少陰

一譫語邪熱神昏

一聲啞孤感

一鄭聲精氣奪而神不全

一舌生芒刺熱結甚也

一咽乾腎虛燥不可汗

一效逆水寒相搏

一汗出如油命絕

一循衣縫譫言

仲景曰小便利者可治
華佗曰不治

一環口蟹黑脾絕

一兩手撮空與大萊氣脈致生
蓄死

一目盲見鬼脫陽者見鬼

一小腹滿硬小便利者血証
流膀胱熱

一脚攣齒屬陽也

一腹中雷鳴腸下有水氣
生姜瀉心湯

一額上手背冷汗陰毒

○傷寒別名 林圍

一聲重曰鄭聲虛則鄭聲
便利手足冷

一下洩曰轉失氣

一陰病發躁曰陰躁少陰

一得大便曰更衣

一大便如常曰清便自調一水穀不化曰下利清穀

一傷寒病十三日曰過經

一手足指頭微冷曰情屬三陰

一肌冷下利發躁曰截厥

一男病瘥婦人
婦人瘥男子與之交曰陽易
陰易

一大下後損陰傷血謂之亡陰

一汗吐下溫針後病不解為壞病又曰何逆

一發汗後汗不止名曰漏風亡陽別名也

一火劫驚狂謂之邪其人亡陽

一三日至夏發曰晚發 一中暑曰中暍

一非時暴寒伏於少陰經咽痛下利曰腎傷寒

一發濕溫汗者曰重暍死 一病瘥後更熱曰遺熱

一熱疾脉躁盛不得汗者死曰陽極

一病瘥後勞動再病曰勞復一小便曰溲

一病瘥後食肉再病曰食復一乾嘔曰噦

一病瘥後多食而有所遺曰遺岐伯曰食肉則復多食則遺

一上唇瘡曰惑下唇瘡曰狐一大便堅硬曰鞭

一不仁者皮膚頑而不知有無一四肢病曰末疾

一身振搖而動曰肉瞤 一二陽俱病曰合病

一先二陽俱病而後一陽自病曰併病

○傷寒禁忌 掌林

一服藥中病即停後服 一瘥後百日犯房者死

一瘥後少食糜粥常令稍飢勿飽

一若食諸肉肥血油膩等物必大瀉難治

一又莫勞躄不可多言不可使意皆勞復

一薰蒸於外取汗但脉微弱遲細動氣瘡淋亡血虛

煩必不可用之

一夏為熱病有汗無汗與傷寒一也於治傷寒藥內加寒

涼劑消內外煩毒如桂麻其性頗熱不加寒涼則

有癰變之患也

一食燒肉消渴 一食魚鮓發黃

一食濕麪潮熱 一食黃瓜必再病

一食茄子成瘡 一食生菜顏色不復


- 一食葵菜失明
- 一飲白酒浮腫
- 一早梳頭潮熱
- 一早洗浴熱悶
- 一思慮重則氣滯
- 一不得早起

- 一飲酒太早在悶
- 一汗後飲冷水損心包
- 一早濯足必痺
- 一躁怒成痞
- 一遠行脚風
- 一不得勞心費力

青囊樵纂曰存養道人曰余從醫四十餘年閱人多矣凡治一熱病瘥後必書禁法與之庶無復今見世俗愚人恃以素稟強實或受恙輕微雖犯之幸而無復執以為常惑於眾人仰不知稟氣有盛

衰受病有微甚一際妄議往往致死者不可勝計當與識者道難與俗人言故君子不可不慎也

察證辨治啓迪集卷之一



30
386

啓世卷一

六十一

